



PRESS RELEASE

Komunikado iha : 04 Junu 2009, Direção Nacional Terras, Propriedades e Serviços Cadastrais (DNTPSC) Timor – Leste.

GOVERNUN TIMOR LESTE LANSA PROGRAMA PUBLIKSAUN MAPA RAI-NIAN BA AREA PILOTU MANATUTO NO LIQUICA

Ohin loron, 4 Junu 2009, Ministra da Justiça, Dra. Lucia Lobato, no Director Direção Nacional de Terras, Propriedades e Serviços Cadastrais (DNTPSC), Antonio Verdial de Sousa, halo lansamentu ba programa publikasaun mapa rai-nian ba area pilotu rua iha Distritu Manatutu no Distritu Liquica.

Levantamentu de dadus kona-ba rai no na'in ba rai autorizada husi Ministra da Justiça liu husi Dekretu Ministerial N. 229/2008 de 1 Julhu 2008. Dekretu ida ne'e fó mandatu ba DNTPSC atu hala'o publikasaun dadus ne'ebe rekolhe tiha ona. Prazu minimal ba publikasaun ne'e maka loron 30; iha area pilotu DNTPSC sei loke dadus ba publiku durante semana 6, husi 5 Junu to'o 17 Julhu 2009.

Area ne'ebe sei inklui iha prosesu ne'e maka:

- o Distritu Liquica, Sub-Distritu Liquica, Suco Data, Aldeia Leopa; no
- o Distritu Manatuto, Sub-Distritu Manatuto, Suco Maabat, Aiteas, Sau, no Ailili; Aldeia Maabat, Bi'uac, Sau, no Ailili.

Publikasaun hanesan prosesu kritiku hodi garantia transparensia, tanba fo oportunidade ba populasaun atu verifika dadus ne'ebe foti iha nivel local. Durante tempu ne'e, ema sei bele hato'o deklarasaun foun ida, no mos bele hatama reklamasaun, ne'ebe hanesan disputa ida kontra ema seluk nia deklarasaun. Bainhira publikasaun hotu ona, ema sei labele hatama deklarasaun foun ka halo reklamasaun ba ema seluk nia deklarasaun iha area ne'ebe refere.

Durante tempu publikasaun, mapa ho lista deklarante sei bele hetan iha nivel 4: nivel local (iha aldeia ka suco), nivel distrital iha DNTPSC ka Ita Nia Rai, nivel nasional iha sede DNTPSC, no iha nivel internacional liu husi website Ministério da Justiça nian, iha: <http://www.mj.gov.tl/pt/index.php?p=55>.

Tuir Dekretu 229/2008, bainhira tempu publikasaun remata, dadus sei ofisializa hodi aban bainrua, Governu bele uza atu fó sai titulu ba rai.

Aktividade ne'e mak hetan apoio husi Agencia Amerikana ba Dezenvolvimentu Internasaional (USAID), liu husi programa "Ita Nia Rai". Programa ne'e ho durasaun tinan lima no orsamentu \$10 milloes tulun Direção Nacional Terras, Propriedades e Serviços Cadastrais (DNTPSC) no Ministério da Justiça hodi dezenvolve sistema administrasaun rai iha Timor-Leste.

- Remata -

HAMETIN DIREITU DA PROPRIEDADE IHA TIMOR LESTE
Balide, Dili, Timor-Leste

Breanna Ridsdel
Jose Caetano Guterres

For more information, please contact:
TEL: +670 731 2407
TEL: +670 730 4325

Email: BRidsdel@sprtl.tl
Email: JCaetano@sprtl.tl